



## Felles søknad frå Gulen og Masfjorden kommunar. Bygdeveksttaltale 2023

Saksnr. utval	Utval	Møtedato
040/23	Formannskapet	08.06.2023
044/23	Kommunestyret	22.06.2023

### Behandling i Kommunestyret 22.06.2023

#### Handsaming og røysting

##### Røysting

Framlegg frå Formannskapet: Samrøystes vedteke

#### Vedtak i Kommunestyret KOM sak 044/23

Gulen kommunestyre gjev si tilslutning til: Felles søknad frå Gulen og Masfjorden kommunar. Bygdeveksttaltale 2023

Vedlegg	Dok.ID
UTKAST. Søknad bygdeveksttaltale Gulen og Masfjorden 2023 (002)	293908
Milepælsplan prosjekt bygdeveksttaltale	293909
2023-05-26 Scenarioanalyse Gulen og Masfjorden	293907
2023-03-20 Utvikling nye arbeidsplassar	293906

#### Bakgrunn for saka:

Gulen kommune søkte i 2022 om å få delta i Kommunal- og distriktsdepartementet (KDD) sitt pilotprosjekt knytt til bygdeutvikling. Kommunen fekk avslag på søknaden. KDD lyser no ut ytterlegere 15 millioner kroner til ei utviding av ordninga med bygdeveksttaltaler, og opner med dette for ein ny pulje prosjekt som kan prøve ut ordninga som nytt distriktspolitisk verkemiddel.

#### [Tilskuddsordning for utprøving av bygdeveksttaltaler - regjeringen.no](https://regjeringen.no)

I eit informasjonsmøte om ordninga vart det tydeleg signalisert at det var ei føresetnad at kommunar gjekk i lag om ein søknad. Gulen og Masfjorden kommunar har eit tett samarbeid og har i stor grad felles bu- og arbeidsområde. Det er difor naturleg at kommunane søker ilag i dette prosjektet.

Det er frå administrativt hald i Masfjorden kommune ytra positiv haldning til å delta

på ein søknad og kommunane har difor utarbeidd søknad ilag.

Vedlagt denne saka ligg utkast til søknad frå Gulen og Masfjorden kommunar, der ein no søker staten om midler til fase 1 i prosjektet. Midlane skal nyttast til at kommunane kan tydeleggjere og spisse sine utfordringar og førebu forslag til innhaldet i ein eventuell avtale med staten. Det overordna målet for ein evt bygdevekstavtale er å bidra til busetting, tilgang på kompetent arbeidskraft og framtidretta næringsutvikling. Distriktet vårt har ei rivande utvikling næringsmessig, men slit med å sikre nok attraktivitet i bygdene til å rekruttere kompetent arbeidskraft.

Søknadsfristen for ordninga er 23.06.23.

### **Saksvurdering og konklusjon:**

Bygdevekstavtaler med staten er presentert som ei ordning for eit nytt verkemiddel i arbeidet med distriktsutvikling. For dei som blir tatt inn i ordninga skal avtalene bidra til samordning av verkemiddel og aktørar innanfor eksisterande økonomiske rammer. Det vert lagt opp til at staten og dei kommunane som deltek er hovudpartar i avtalene. Men det kan òg vere aktuelt å invitere andre partar inn i avtalen.

I første omgang var det lyst ut 10 millionar til ordninga, no i runde 2 er det lyst ut 15 millionar.

Dei overordna måla for avtalane er å bidra til busetting, tilgang til kompetent arbeidskraft og framtidretta næringsutvikling.

Det er ikkje anledning til å søke om å få dekke ordinære driftskostnadar i kommunen. Det er den ekstraordinære satsinga for distriktsutvikling som vil falle inn under ordninga.

Administrasjonen har i samarbeid med Masfjorden og GMU AS utarbeidd forslag til søknad. Søknadsprosessen skjer via regionalforvaltning, vedlagt søknad er utarbeidd Word-versjon av søknad som ligg klar til innsending så snart politisk tilslutning er på plass. Masfjorden kommune har formannskapsmøte så tidleg i juni at me ikkje rakk å ferdigstille politisk sak til dette møtet. Dersom kommunen ikkje rekk å behandle saka før sommarferien er det frå KDD uttrykt at det er høve til å ettersende sak om politisk forankring.

Søknaden legg opp til at ein i fase 1 skal kome fram til forslag til avtale med staten som skal innehalde tiltak, samarbeid og satsingar som skal gjennomførast i fase 2.

I ein evt fase 2 vil deltakinga innebere at kommunane må prioriterer tiltak i avtalen og sett av økonomiske midlar for å få dei gjennomført.

Det er eit vilkår at søknaden er forankra i dei respektive kommunestyra.

**Kommunedirektøren sitt framlegg til vedtak:**

Gulen kommunestyre gjev si tilslutning til: Felles søknad frå Gulen og Masfjorden kommunar. Bygdevekstavtale 2023

**Tidlegare behandlingar:**

**Behandling i Formannskapet 08.06.2023**

**Handsaming og røysting:**

**Røysting**

Framlegg frå kommunedirektøren: Samrøystes vedteke

**Vedtak i Formannskapet FSK sak 040/23:**

Gulen kommunestyre gjev si tilslutning til: Felles søknad frå Gulen og Masfjorden kommunar. Bygdevekstavtale 2023